

# इव इ मि

पद्मरत्न तुलाधर

साहित्यया मूलुखा

सफूया नां:- बुलुमि (नेपाल भाषाया निबन्ध पुत्रः)

सफू च्वमि:- पद्मरत्न तुलाधर (जन्म १०६२ सिपुह्री  
ह्माय्कं त्वाः, ये ।)

सफू च्वगु ई:- १०७६-१०८१ या दुने (नेपाल सम्बत)

सफूया हामा:- च्वमि थःहे

ह्मापागु प्रकाशन:- लूजः प्रकाशन (१०८३ चकंपुह्री), ये ।

निक्वःगु प्रकाशन:- साहित्यया मूलुखा, बखुंवाहाः, यल ।  
ने. सं. ११००, ५०० गू प्रति

मुद्रक:- रत्न प्रिन्टिङ्ग प्रेस, इखाछे, यल फोन नं. २१८७५ ।

सफूया मू:- न्यातका (५/-)

## पिकाकः पाखें

पासा पद्मरत्न तुलाधरया 'बुलुलि' नेपाल भाषा साहित्य छयल्य् छगू ग्यसु लागु निबन्ध सफू खः । ह्लापांगु प्रकाशन फुना-थ्व सफू स्वयं मखना, ब्वने मखना च्वंपि विद्यार्थी पासापि व नेपाल भाषा भाषिपिनिगु अनुरोधकथं थ्व निक्वगु प्रकाशन मूलुखा पाखें पिथने दया जिपि लय्ता । थथे निक्वगु प्रकाशन या रूपय् पिथनेत अनुमति बिया दचूगुलि पासा पद्मरत्न तुलाधरजु यात भितुना-नापं याकनं न्हूगु सफू पिथनेत लःह्लाना दी धैगु भलसा दु ।

थ्व सफू पिथनेत धेबाया भाला क्वबुयादीह्य मूलुखाया छ्याञ्जे भाजु रोहिणीवहादुर कायस्थ व थासा बांलाकेगु ज्याय् ग्वहालि याना दचूपि रत्न प्रिन्टिङ्ग प्रेसया सकल पासापिन्त सुवा ! जय मां भाय् ।

ने. सं. १९०० श्रावण ९

बखुंबाहाः, यल ।

छत्रवहादुर कायस्थ

अध्यक्ष

साहित्यया मूलुखा

# चुरोटया कुँ

चुरोटया कुँ जि तःको मछि खने धुन । लैय् ज्वीपि छम्ह  
छम्ह मनूतय् म्हुतुं, मचां निसें कया ल्याय्हा बुढा तकया म्हुतुं  
पिहाँ वइगु चुरोटया कुँ जि न्ह्याबलें खं । अले चुरोटया कुँ जि  
न्ह्याहा पासाया म्हुतुं नं पिहाँ वोगु खं । न्हापा लिपा चुरोटया कुँ  
नाप जितः छुं वास्ता मदु । न्हापा लिपा चुरोटया कुँ खंसां छुं  
बिचाः मवो । चुरोटया कुँ उबले जिगु नुगः साले मफु । तर थौं  
छाय् छाय्, गय् गय् छम्ह पासाया म्हुतुं पिहाँ वया च्वंगु कुँ जिगु  
नुगः साला काल, जितः छुं बिचाः याकल । पासाया म्हुतुं  
चुरोटया कुँ चाक चाक लाना पिहाँ वया च्वन । छगू कथंया  
कलाया प्रदर्शन । जि दर्शक जुया गबेत तुं क तुं क स्वया च्वना ।  
तर चुरोटया कुँ क्षण पट्टि पिहाँ वया च्वन, क्षण क्षण पट्टि हानं  
फसय् तना वना च्वन । धोधी जुया पिहाँ वोगु चुरोटया कुँ उखें  
थुखें सना गबलें च्वय् वन, गबलें न्ह्या वन, थय्क स्वय्बले चुरोटया  
कुँ थःगु अस्तित्व मतंकेत सुं नाप लवाना च्वं थें च्वं । तर धोधी  
ख्वातुक पिहाँ वोगु कुँ मृत्यु नापं ल्वा ल्वां सालुसे छ्याल बिछ्याल  
जुया वन । अले मृत्युं वयात स्याना बिल- छ्याल बिछ्याल जुजुं  
फसय् तना वन । थुकथं हे चुरोटया कुँया जीवन, न्ह्याना च्वन,  
दिना च्वन, फुना च्वन क्षण क्षण पट्टि ।

मृत्युं पिहाँ वोगु चुरोटया कुं फसय् पाया पाया कनासां  
मृत्यु नाप त्वाना च्वन । जीवन संघर्षशील धका जितः ध्वाश्वीका  
च्वन । अले मानवताया बाखं कना च्वन ।

मनू जन्म ज्वी । गनं गनं वया पृथ्वीया छहा सन्तान जू वोहा  
मनू मचां निसें बुढा तक संघर्षया संघर्ष जक यायां छन्हु सिना  
वनी । बुक्को मनू सीमा । थ्व प्रकृतिया अकाट्य कानून । ख नं  
बुक्को मनू थन सिना हे च्वन । तर सी धुकूपि सुहे म्वाना मनो ।  
थ्व नं प्रकृतिया कानून हे ला खः नि ।

प्रकृतिया कानून । थुकियात त्वाथले फुपि थ्व विश्वय् सु हे दु ।  
लः च्वं वतय् न्ह्याना हे च्वन । वं च्वय् गवले मन्हा । अथेहे मनूत  
नं जन्म जुया सिना वनी । सी धुकूपि म्वाना वइ मखु । थ्व विश्वय्  
गुलि मनूतय् जन्म ज्वी धुकल, गुलि मनूतय् मृत्यु नं । तर थौं तक  
सुनानं मस्युनि—मनू गनं वया गन वनि । अन्धविश्वासी धार्मिक ग्रन्थ-  
तय्सं धया च्वंगु दु—मनूयात छनं जन्म बी अले मनू सितकि धर्मात्मा  
जूसा स्वर्गय् वनी पापात्मा जूसा नरकय् वनी । तर थ्व विश्वय्  
धर्मात्मा धयापि हे सु दु ? मनूत फुकसिनं मे, दुगु फैतय्तं म्वा म्वाकं  
स्याना ला नया च्वंगु दु, हि त्वना च्वंगु दु । बुद्ध स्वयानं शान्त  
जुया प्रकृतिया मुलय् छना च्वपि सिमातय्त लाखः पिया दन् दन्  
छत्रय्का च्वंगु दु । लखं लख कीतय्त न्हु जर न्हुया स्याना च्वंगु दु ।  
भः भिसा जगत भि धाइपिनिगु संसारय् अले गोहा हे धर्मात्मा दइ ?  
अयूसा सिक्को मनूत नरक वनीपि ? नरक धयागु हे गन ? स्वर्ग थ्व  
थन धका स्यूपि नं ला सुं मदु । अयूजसा स्वर्ग धयागु शब्द हे गनं  
पिहाँ बल ? नरक धयागु शब्द हे सुनां पिकाल ? थौंतक सुं मनू  
स्वर्ग वना लिहाँ वोगु जि मस्युनि, मानवताया इतिहासं मस्युनि ।

अथेहे नरक वना लिहाँ वोगु नं सुनानं मखनि, मस्यूनि । अयसा मनू सितकि गन वनी ? थ्व खँ सुनानं मस्यू । थुलि हे जक स्यू-मनू सितकि कर्णदिपय् यंका उना छवइ । अले नौ जुया चाय् मिलय् ज्वी, कुं जुया फसय् । थ्वला मनूया ह्याया जक खँ जुल । कर्णदिपय् ला मनूया ह्य जक उना छवइ । सीह्य मनूया आत्माला उइ न्ह्यो हे गनं तना वने धुंकी । अले धार्थेयाह्य मनू अर्थात् मनूया आत्मा गन वन लय् ? लिसः मदुगु छगू न्ह्यसः । तर चुरोटया कुं चाक चाक लाक पिहाँ बया धया चवन-मनू सितकि स्वर्ग व नरक मखु शून्यय् विलीन जुया वनि ।

बुक्व मनूत छन्हु सीमा । सुनानं पनां पने फइ मखु । सीगु हे मनूया धर्म अले सीगु हे मनूया अन्तिम लक्ष्य नं । मनूया उगु धर्म अले मनूया उगु लक्ष मनूया इच्छाय् आधारित मजूसं मनुखं व धर्म मानय् याय् हे मा, उगु लक्षय् थ्यके हे मा । खला मनूतय् सी मये फु । अज्ज गुम्हेस्यां थ्व पृथ्वी, अले थ्व ब्रम्हाण्डया हे अन्त मजूतले म्वाना चवनेगु नं इच्छा दय् फु । तर इच्छा जक दयां छु याय् यदि व इच्छायात पूर्ति याय् गु ताकत हे बयाके मदुसा ।

जि नं छम्ह मनू-मसिसें मगापि प्राणीत मध्ये छम्ह प्राणी । थः थिति, पासापि अज्ज थ्व विश्व हे तोता छन्हु वने मानि गन गन जि मस्यूगु थासय् सुनानं हे मस्यूगु थासय् । म्हुत्तं पिहाँ वोगु चुरोटया कुं फत्तं तना वंथें जि नं छन्हु तना वनीतिनि । उबले जितः न्हयम्हेसिनं न्हयाथाय् मासां त्वीके फइमखु खकेफइ मखु । थ तंम्ह तनं जुया वनी । जिगु मृत्युइ धन गुम्हं छवइ, गुम्हं न्हिली । तर न्ह्याम्ह न्हयाक्व हे बःसां न्ह्याम्ह न्हयाक्व हे न्हयूसां जि खवसः व न्हयूसः ताइमखु । न त जिगु सन्देश हे सुनानं ताइ । खला मेमेपि मनूतय् थें जितः नं सीगु इच्छा मदु । न्ह्याबलें न्हयाबलें धन

म्हानाचवने मास्ति वो । तर छुयाय् प्रकृतिया तानाशाही राज्य्  
स्वैगुं इच्छायात थाय् मदु । उकिं योसां मयोसां काल वलकि थन  
बुक्क मनू सी हे मा । मसिसें मगापिं माँ-बौया सन्तान जूगुलिं जि  
नं छन्हु सी हे मानी । कालं जितःनं छन्हु सातु साला या न्याय्की  
तिनि । जनबहाद्योया रथ तीन धारां साला असं त्वालय्, असनं  
लाय्कू अले लाय्कुलिं लगमय् थ्यका रथ-यात्रा क्वचाइ थें जिगु  
जीवन रथ नं मचां ल्याय्म्ह ल्याय्म्हं बुढा थ्यनेव क्वचाइ तिनि ।  
जिगु जीवनया रथ यात्राया नं या न्याइ तिनि । उकिं हे ला चुरोटया  
कुं जितः हिस्याना चवंगु- जिगु जीवनया अन्त मृत्यु धका ।

म्हुतुं पिहां वोगु चुरोटया कुं फसय् इतः मतः कना तना  
चना चवन । मनूतय् जीवनया अन्त मृत्यु खः धका कानूनी तर्क पेश  
याना चवन । तर अय् नं जितः पत्या मजू जि नं छन्हु सी तिनि धका  
छाय्कि जितः गबले हे सी मयो । सीगु जिगु धर्म ख.सां, मानव-  
ताया लेंपु खःसां मसीत जिं न्ह्यागु नं प्रयत्न याय् ।

छम्ह मनूया नातां मानवताया विकासय् जितः गौरव दु  
अले मानवताया शक्ति व बुद्धिस घमण्ड । पशुत सरह जंगलय् जक  
चाहिला असभ्य जीवन हुना च्वपिं मनूत थौं विश्वया सर्वश्रेष्ठ प्राणी  
ज्वी धुकल, विश्वया मालिक ज्वी धुकल । विज्ञानया लिधंसां मनुखं  
प्रकृतियात हे थःगु नियन्त्रणय् तय् धुकल । उकिं धाय्फु छन्हु  
मनुखं मृत्युयात नं थःगु नियन्त्रणय् तइ तिनि । अले छन्हु मनुखं  
कालयात नं ख्याना छवइ तिनि । उकिं जितः थन न्ह्याबले म्हाना  
चवने मास्ति वो । छन्हु मनू मंगल ग्रह व चन्द्रलोक जक मखु  
फुक्क ब्रह्माण्डया हे मालिक जूगु स्वयत् । अथे मखुसा मनुखं दय्कूगु  
हाइड्रोजन बम् व आयटम् बम् तज्याना थव विश्वय् पूर्ण शान्ति  
वोगु स्वयत् जि न्ह्याबले न्ह्याबले थन म्हाना चवने मास्ति वो । उकिं  
जि थः मसीत न्ह्यागु नं प्रयत्न याय्, न्ह्याहा नापं नं त्वाय । चुरो-

टया कुं म्हुतुं पिहाँ वयालि तना वना च्वन। अले तने न्ह्यो सुं नाप संघर्ष यांना च्वन । चुरोटया कुं जि नं छन्हु सी तिनि धका ववात्तु-  
ववाना नं सी न्ह्यो मसीत फक्क सघर्ष याय्गु सत्लाह बिया च्वन।तर  
अपशोच ! जि थ्व मस्यू कि सु नाप ल्वासा जि मृत्युं बचय् ज्वी  
फइ । जि थुलि हे स्यू-ई न्ह्या वं लिसे जिगु मृत्यु नं सतिना वइ ।  
उकि ज्वीफु ई मन्हात धाःसा जिगु मृत्यु नं अनतुं च्वं च्वनी । अले  
मृत्युं जितः स्याय् फइ मखु कालं जितः थी फइ मखु । उकि जि थः  
मसीत ई यात हे दिकेगु बिचाः यांना ।

ई यात दिकेगु बिचारं जि ईयात नाप लाना । अले ई नापला-  
य्बं जि वयात न्ह्याबलेंया निति दीगु प्रार्थना यांना जि मृत्युं बचय्  
ज्वीत । जिगु प्रार्थना न्येनेवं त्यानुया च्वंगुलि ला मस्यु, ई तक्क  
दिना बिल । तर गजब । ई जक दीवं चाहिला च्वंहा पृथ्वी न दित ।  
अले थन सृष्टि दित, मानवतायां प्रगति दित, विकाश दित । जि  
मृत्युं बचय् ज्वीगु खँला गन वं गन, ऊन अःखः मृत्युं फुक्क मनूतय्त  
छकलं नुनेगु स्वत । उकि जि काचा काचा वना ई यात हानं न्हापा-  
थें तुं न्ह्याय्गु प्रार्थना यांना । ई न्ह्यात, पृथ्वी चाहिला, मानवतायां  
सृष्टि न्ह्यात, प्रगति न्ह्यात अले जिगु जीवन-रथ नं न्ह्यात छन्हु मृत्यु  
नापलाय्त । मृत्यु विरुद्ध जिगु संघर्ष असफल जुल । जिगु जीवनया  
अन्त मृत्यु हे जुल । उकि हे ज्वी म्हुतुं पिहाँ वोगु चुरोटया कुं जितः  
लाय् लाय् बुया च्वन-“छं न्ह्याक्क हे प्रयत्न यासां छ मृत्युया  
शिकारं बचय् ज्वी फइ मखु ।” थुलि धयाः थःनं तना वना च्वन ।

चुरोटया कुं छु खः ? थय्क स्वयं बले ला छुं नं मखु थें च्वं ।  
म्हुतुं पिहाँ वय् साथं तना वनी । तर वहे चुरोटया कुं गुलि गुलि  
कवितय्त कविता च्वय्गु शक्ति बिया च्वन, गुलि लेखकतय्त लेख  
च्वय्गु ताकत । मनूतय्सं पित्यासां फुधंसां त्वनीगु चुरोटया कुं इ



न्ह्याम्हेसिनं न्ह्यागु खंसां जि उकी मानवताया न्ह्याय्कं खना च्वना ।  
 अले जिगु धर्म, कर्तव्य व भविष्यया छगू छगू खँ खना च्वना ।  
 चुरोटया कुँ म्हुतुं पिहाँ वय् वं उखें थुखें सना फसय् तना वनी गुकी  
 जि छहा मनूया पू वंगु जीवन खना च्वना । चुरोटया कुँ म्हुतुं पिहाँ  
 वय् वं तना वनी । उकिं जि थ्वीका च्वना-बुक्व मनूत छन्हु सी  
 तिनि । उकिं जितः आ गय् थें मस्यु. चुरोटया कुँ खनं कि जि नं छन्हु  
 सी तिनि धका लुमना वो । अले थ्व नं लुमना वो, छन्हु सी मासां  
 म्वाय्त संघर्ष याय्गु जिगु धर्म खः ।

